

5563.8
2393.1
v.1

燕起齋詩集

五言古詩
七言古詩
五言絕句
七言絕句
五言律詩
七言律詩
五言排律
七言排律

UNIVERSITY
LIBRARY
OF
TORONTO

Opportunity

燕超齋遺稿目錄

卷之一

五言古詩二十二首

七言古詩十五首

卷之二

五言絕句十五首

七言絕句三十九首

卷之三

五言律詩九十首

七言律詩一百三十首

五言排律四首

七言排律二首

卷之四

詞十一首

賦七首

駢儷一首

箴二首

銘三首

讚三首

卷之五

記二首

序五首

跋二首

論二首

說二首

祭文五首

雜著十首

燕超齋遺稿目錄終

燕超齋遺稿卷之一

五言古詩

次李白潯陽紫極宮韻

靜夜虛堂寂
秋風遞寒竹
明月滿庭除
清光如可掬
悄悄坐不寐
無人慰羈獨
寒犬籬下吠
山鳥簷間宿
世事且莫說
幽居我已卜
少壯當努力
逝波難再復
兀然喚一醉
壺觴任傾覆
高臥舒雙膝
蒲團睡正熟

途中

曠野一望平
天寒客衣冷
陂陀丘陵出
逶迤溪路永
鳥散林有聲
風動波不定
歸人望獨樹
樵童下山逕

稍稍落葉響蕭蕭疎柳影村烟冪地起寒山極天淨
長風入松栢寒籟奏笙磬石竇瀉幽泉淙淙滿清聽
鵲噪野田夕水落浦溆迥是時秋冬交南畝收穫竟
野婦擷木綿村童拾遺秉溪上有數家蕭條籬落靜
雞犬滿墟里轆轤人汲井浣紗誰家子背人荆釵整
客思自翛然雲外時引領遠色正蒼茫東嶺照返景
霞散遠峰見雲歸巖穴暝前途尚幾里長薄自掩映
曠然心神清頓覺塵慮屏興入霧寺屐夢繞林湖艇
欲往不可得臨風發長詠回首意未窮松際月如鏡

馬上口占

鴈峰望中微曠野行子稀空林殘雪落山鳥驚人飛
悠然萬里心天末暮雲歸

次柳州韻

燕居病欲蘇藥丸常懶服瓦釜杏粥新幽窗古書讀
閑來極遠目歸雲自相逐偶值故人來復喜新酒熟
長風忽飄灑雨脚如銀竹青山嵐翠重春容帶新沐
煩襟一洗滌諷詠幽興足

復用柳州韻

登陟豁幽懷又值好天時回首眺東南列岫勢參差
丘壑轉秀異行行未云疲前溪落眼前瀾瀾漾寒漪

山深松栢老巖古藤蘿垂拂苔坐固好披草臥亦宜
自愛清賞愜復此攜朋知悠然不知返白雲無盡期
携三四同志暮行溪上口號

溪上日已暮徘徊溪上路水色何澄明平鋪一匹素
親朋忽三四攜手同閑步烟火動籬落暝色入村塢
蒼然歸鴈峰白雲橫林莽衰柳半無枝蕭蕭傍溪浦
稍覺川氣寒去矣不可住

月色八戶皎然可愛詩興不可禁援筆疾書不
少停諸友亦在傍詩成相視一莞而罷

靜夜坐空軒開戶延明月月色照我懷皎皎真奇絕

親朋復在茲清談未云畢君吟蜀道難我諷莊周說
心神一清曠高興殊超忽詩情正浩蕩操翰不暫輟
長吟復長吟白雲橫天末

歸路口號

緩步歷斷隴溪上黑無月疎燈三四點亂蛙前後聒
童子遙把火危橋不難越

秋齋聽雨有懷

四巷寡輪鞅秋齋常閨寂茅簷宿鳥度忽復山日夕
涼風入書幌臥聞寒雨滴耿耿未能寢短檠傍牕壁
默筭我朋儕萬里雲樹隔近與琴朴輩結交心莫逆

琴子家杜陵朴君住玄石往者別我去緬然情不極
佳期曠何許獨夜遙相憶雖知盍簪近離索意難滿
昨日貽我書玩之不能釋但願速諸友斗酒恣譔謔
三萬六千日嬉嬉共無斁

率題

溪上微雨收青山朝日昇雲容散掩翳巖姿露噌嶸
樹古枝相繆村疎烟自凝春禽聲已變嚶啾如相應
念我久逃虛緬然懷良朋衷情以鬱陶會合安可恒
索莫守書帷疾病苦侵凌昔如遇風鴻今如遭霜螳
龜龍任嘲訕烏兔愁飛騰懶讀案上書顏貌真可憎

簡慢已成癖真樂在曲肱形骸謝拘束襟韻頗清澄
理愜物可忽體肥義終勝澆漓憫競錙淳朴思結繩
才非少年賈志慕三省曾五車信多方一善良服膺
靈龜樂曳尾冥鴻遠避矰借荒南山下生理庶可憑
閑居寂無喧飯粥隨寢興曠殊竹林客淡若雲水僧
坐便據梧桐行卽扶枯藤心馳茅仙洞興牽葛洪硤
壑邃藥堪採澤深魚可罾佳期喜參差清遊恨未能
田家事有程不日理畦塍陽和扇淑氣江湖初解冰
東泉導新源北堰修舊崩及時載樹藝但祈歲豐登
高車與駟馬區區何足乘

自北鄰月下覓山路獨行返家

步步踏松影山月明春夜殘雪留深壑疎燈照村舍
獨行人不知蕭然足閑暇延首眄東南雲氣連平野
稍聞潺湲聲谿流一道瀉

訪崔宅明

清羸日轉劇關門守幽獨喜此天氣和却尋崔子玉
郊原掌樣平悠然駐遠目老樹半身白春半隨處綠
雜花開滿樹好鳥鳴相逐手敲柴門額丁丁如啄木
主人延之坐晤語見心曲且當鞭款段直詣琴君屋
訪琴和叔道中記見

此身若浮雲浩然無所繫偶因野興逸轉作求友計
谷鳥鳴嚶啾野人勤樹藝新畱間淳鹵古陌燔樵翳
活水分畦入汨汨無停滯垂鞭信馬蹄目窮西南際
雙崖對作門列岫環相衛松路清風集花村白日麗
蕭然茅宇下良朋更連袂田家水澆飯絕勝坡翁毳
談屑飛如雪樹陰改軒砌興闌春又盡長吟惜芳歲

挽趙水原

渭叟

有美大賢後弱歲馳令問醞藉風流姿服習詩禮訓
居家行以敦在邦名亦聞歷職匪殘秩通都與大郡
脚底有陽春罷氓失瘞輟隋城地最雄游刃力不償

政用合典則斬斬不可紊元亮賦歸來子文無喜愠
却尋楚川居不學金門隱清苦逾冰蘖寒素樂弊緼
鶴瘦露真骨松老增清韻華髮雖白紛韶顏尚紅暈
怡神坐清齋逢人倒家醞伊余夙登門琥芥投深分
愷悌容無能談諧不少靳峽居連江墅捧袂屢親近
倏焉間音微漢山高以嶮俛仰已隔世人事同凋槿
流湍逝不停日月遞相運悠悠千古恨浪浪雙涕抆
嗟公在世日衆許殊才蘊雅望傾時輩青紫俯可掬
玉貂映暮年龍門翼不奮妖徵數踐堪世味劇嘗莖
旅榻未暖席親懿忽已絕桐鄉錦江南靈車聲轆轤

冥漠復冥漠攬筆寫幽憤

次夏日歎

季夏時候熱火雲騰天街亭午鳥雀靜埒翼倦不開
被褐氣低垂伏枕情常乖念彼林池上地清無塵埃
羣儵泳其中濃樾環其涯況有新結構不復藉草萊
誰謂日在鶉已似秋祭豺窺步亦邈矣抱瘵真傷哉
何由一奮飛得使宿心諧碌碌褊褊子焉能與爾偕

白雲洞

下馬趨松徑步步逾清佳小亭壓風湍憑欄一散懷
黌堂煥丹青竹樹森庭階問之院中人經始實慎齋

溪翁增賁飾文彩被澗厓規模倣白鹿形勝復肩差
煒煒胄子至絃誦無淫哇磬折虔余躬祠門親自排
恭瞻素王真弟子七十偕儼然杏壇風吾道未沉埋
夔夔俎豆事降福亦孔皆孤山有遺筆突兀鍾王儕
平生一雙眼似借金篦揩却尋翠寒臺落葉深沒鞵
亂流渡寒溪谷鳥鳴喈喈水石足清氣散入我形骸
南來旅愁長茲遊偶然諧但恨古人遠令我情賞乖
半世業詩書所學殆類俳感歎發深省西日寒雲靈

贈寄內兄

附火方知熱抱冰方知寒不曾違密親安識離居難

默念抄秋別硤月行就完時運無停機茲歲亦云殘
參辰互出沒天路何漫漫泝懷逐逝川延目礙重巒
重巒有峻趾逝川無定湍悵悵徂年悲慊慊遙夜歎
清絃貴賞音朗鑑資正冠單居不自聊鄙吝實生患
嬰情思德儀寤寐想前驩澄醪湛不御縹緗誰共攤
觸物增纏綿遇境悵盤桓緘詞代疏麻要以傳心肝
新陽正回復嗟子不遑安勗哉保嘉福旅遊且加餐
壬午元日詠諸君

馳暉謝尺波逝歲逾過箭風雪送餘運三陽亦已荐
懷新衆情欣惜故余思悄悄思何用慰良友回深眷

諧笑競紛紛光儀俱蓊蓊據梧抽玄譚憑架閱文選
留歡具罇罌布懷陳筆硯心照諒所貴面從斯爲賤
願言執令德無爲外物轉爲山須九仞鑄鑑須百鍊
良時不我與努力慎所踐

雜詩

常年孟秋月炎威猶赫然今年雖夏閏時候何其憊
淒風東北來號怒撼屋椽撼屋尚自可余褐實無完
况復穀未登朝飢夕無餐昨者視田中青苗先已殘
行逢里中叟相對但增嘆徃在庚辛歲近者乙丙年
當時餓死人塚墓相連連彼哉亦何知憂在未死前

病眼戲作

書生爲書役有眼不自憐朝寫蠅頭字暮窺牛毛編
朝暮不能息歲月累改遷眼惟身之鑑其神號英玄
肝惟眼之主其名爲龍烟二神不堪命掩塞遂成愆
坐令阿睹間玄花落紛然銀海失其清明珠失其鮮
初能別玄黃漸覺等方圓平生黃卷書倚疊千萬篇
棄置不復看有如忘蹄筌塵埃日已厚蛛網日已纏
陶泓與楮白疇昔相周旋謂我負情儂怨我中道捐
矇矓若癡人時月不能痊靈臺有主人念此憂悄悄
矢詞論二神物物命自天蠢彼禽魚族實惟得氣偏

出目或耳短數目或脰頤水母不自視鞋屈行相聯
惟人爲最靈生稟氣之全五官各有司其神職所專
審聲聽言語其官名幽田審氣辨薰蕕其官名靈堅
中池及朱鳥樞機慎所宣赤城天君居予總一身權
惟爾職司眡奉職宜恭虔爾與人作眼于今幾十年
主人繫人流其書多聖賢聖賢富嘉言朝夕羅爾前
胡爲不自憙蒙蔽俾我瘖吾今愍汝惑使汝迷雲霧
揩汝以金篦洗汝以醴泉反汝清明質無悔不遠還
英玄稱主臣及今請改悛百年奉君子皎如日星懸

挽人

代金叔作

公之王老姑我之曾祖母我祖未鼎貴來依賢外舅
綢繆親懿情累世增篤厚兩家主宗祀實在公與某
偏側同里閨樂郊連百畝優遊鄉黨間絕席尊者者
側念先君子齊年公獨壽每瞻龜鶴姿磬折咨嗟久
平生不沾沾醇謹堅所守惡聲不入耳莠言不自口
可笑襌襪子嗑嗑生好醜公莞若不聞括囊終无咎
頽然入勝地政須滿樽酒金鍾不留殘暮年尚能斗
大耄詎興嗟安歌以鼓缶天期倏焉及一疾奄啓手
鄉園慘無色此老那復有向來羸博淚叢蘭委榛莽
不知長夜臺還有綵衣否青氈不墜地螟蛉實紹後

逝水絕回湍玄廬啓重阜西日暝丹旄朔風吹廣柳
嗚呼今古事雪涕回白首

夜懷

積雨晚稍霽涼風颯以厲絡緯吟何悲疎螢明復翳
空簾坐清夜白露霑衣袂眷焉惜徂辰因之懷宿契
誰言室則邇其人正迢遞遠別尚可寬近別良獨難
金生賦凌雲韓子氣如蘭古來貴所交相期在歲寒
雙劍有時會何爲悵盤桓

七言古詩

次高適送人還山吟

還山吟山空水流松雲深君去可以娛其心落魄風
塵不稱意林臥翛然少塵事石崖雲壑無人至披簑
拂釣一溪雨種桑養麻三畝地平生不要買山錢紫
芝黃精且養年有時行樂深谷口應與仙翁同醉眠
我亦明朝謝時去武陵源中好盤旋

又次

還山吟山色蒼蒼山木深杖策入山忘機心獨鶴孤
雲本無意世人誰識高人事此去山中幾日至春歸
栗里柳掩門雨過桃源花滿地杖頭時挂阮孚錢丘
中剩得松喬年菊花酒傾北窓風長松之下跂石眠

寄語塵中夜行者鍾鳴漏盡胡不旋

洗鋤歌

八月洗稻穡人奏功相與醉飽爲樂名曰洗
鋤宴東鄰客子聞而爲之歌

把鋤苦洗鋤樂有苦則有樂苦樂鎮相續力田乃有
秋情農胡取禾三百秬稔既已熟塲圃既已等有酒
有肴越以醖邁穡事縱云苦此樂良足快只願年年
歲大有杭稌充羨蛇蛟蟠事父母育妻孥歌之舞之
相與歡

喫豆粥

西鄰豆粥潑血駢玉盃盛來煩赤脚云是吾姑之所
餉髣髴凌亂珍羞錯睡睫初開饒願朶却畏朝寒仍
久伏喚兒將衣覆爐火衣未及溫旋更着絁余之昆
相偶坐有棊者七先在握暖氣浮浮崖蜜甜米丸團
團烏卵若須臾便覺一椀空四體和平寒意却玉川
啜茶奚足羨子公食指已驗昨况復今日日南至一
陽初生萬彙作恭承令惠慰寂寥好酬嘉辰不落莫
叮嚀顧婢語刺刺更取白酒供斟酌拂拭几案展黃
卷快讀千遍也不惡

夜來風雨山花落盡

春山百花紅如焚日炙露洗香氣氤誰把并州快剪
刀裁破蠻娘血色裙千房萬朶正芬芳顛風急雨三
更聞蜜蜂蝴蝶惜不得枝底落英何紛紛粘泥已污
胭脂痕繚徑猶殘纈錦紋金谷樓危墮綠珠蒼梧雲
斷愁湘君穠姿秀色坐消歇可憐春光餘一分孤齋
西畔短墻下幽魂暗着梨花雲

除夕有作

人生受形天地間營營汲汲無時閑既無利刃剗三
尸又無大藥住韶顏一朝魂遊岱宗上縱有巫咸難
招還百年之期太草草何況浮生少至老富貴功名

豈長在萬事終然不自保策我名驥驅我車日趨冥
冥九原道髑髏南面竟荒唐安期子喬空杳茫不如
汰絕人間事斗酒酣歌寬我腸眼看茲歲又蹉跎今
我不樂如之何燈燭熒熒照四座親朋雜遝相經過
一擲樗蒲呼五白取樂喧呼永今夕河傾斗轉都不
知誰復懷憂長戚戚

雞歎

中夜有狸來搏雞羣雞一時爭驚啼月落天陰簷影
黑一雞東飛一雞西主人堂上不能眠默思物理心
爲悽五德不能衛一身養人朝暮揮刀割山禽無賴

又見凌冷汝一夕無安棲汝不見樑間玄鳥不畏人
不畏狸營巢自在銜春泥嗟哉朱朱汝何辜雖是同
羣命不齊

謝從兄惠寄水月心印篆

西秦李丞相東漢蔡中郎篆籀冠終古人與筆俱亡
近有眉翁得三昧追逐二子叅翱翔麟角鳳觜世所
稀隋珠和璧人得有吾兄贈我篋中珍繩窮匣開光
射牖南洲美石價敵玉白如截肪其文黜篆以三字
水月心真見此翁斲輪手懸針倒薤相纏綿滿堂賓
客歎奇絕風晴日暖草堂靜爐薰一穗清入骨玉蟾

瀉下薔薇露紫研磨出猩猩血豈惟印得古人書兼
印古人方寸心水月虛明照我襟瑩然不受塵埃侵
有時賞心得佳趣題詩寄與同袍友團團寶月落紙
尾頓令陟釐增媚嫵領君佳貺感君意金刀玉案真
不數吾兄知我無長物何以報之雕虫語

醉時歌

疎隱老隱於疎清坐山林拔塵俗閉關欲學沉冥人
載酒時逢好事客齋居感幽獨招呼相與樂笑語發
清機琴書忻靜域翛然眉睫間賓主俱歡色是日風
輕雨如酥逢帷一帶向人綠卷簾極目清興來椒氣

馨香動春酌觥籌交午闌輕重輪軸差池較淹速平
生意氣欲挐雲醉後狂言誤堅白敢將雞肋當尊拳
無奈麴生在我側百年且快意萬事任轉燭客散獨
留髡茗芋窮臙黑笑矣乎東華門外軟紅塵等閑平
地風波作眼中鷗夷不可乾願割林湖水一曲

江南曲

江南三月百花紅宮柳裊娜搖東風玉樓沉沉細漏
咽銀燭高懸照紗空華觴歛灩君王醉龍爐勃鬱香
烟起詞臣拜獻新翻曲夜靜杳思闌歌吹宮中美人
顏如玉舞衫剪破天水碧錦筵桐竹爛不收金陵佳

十
氣暗中鏤東方日出光暉暉紫氣決漭神龍飛角聲
滿天盡鞞催玉馬曉嘶何處歸雲飛雨散愁斷腸歌
坊殘妓遙相望廢垣寂寂土花古盡闌珠箔雲蒼茫

夜歸

夜中歸來春雪盛夜色微明山下徑疎燈熒熒村墟
迥柴籬寂寂茅齋靜小童睡熟喚不醒獨倚虛窻萬
籟定

二牛歌

東家貧西家富富家牛一何肥貧家牛一何瘦肥牛
壯而健身服耒耜南畝疇南畝日當午流血吐舌垂

其頭貧家亦借肥牛耕肥牛日日不得休肥牛肥則
肥一身何其疲庖丁睥睨欲殺之饒夫遇之而朵頤
不從賓筵作珍羞卽入太廟爲牲犧羸牛骨磳兀
身服耒耜不能前十人牽之十人鞭五日不耕半頃
田耕者舍其駕南坡齧草北坡眠羸牛羸則羸一身
何其便庖丁過之若無覩饒夫見之不流涎肉味未
足登鼎俎黻黼寧入王公厨肥亦不爲福瘦亦不爲
瘠肥瘦雖不同勞逸固懸殊勞逸且懸殊何況死生
不相侔吁嗟乎爲牛寧作貧家牛慎莫作富家牛

清溪一道若匹練行子欲渡試深淺短僕入水馬嚙
草野色青青人不見隔岸人家烟火起忽有飛來一
雙燕鳩婦喚雨鸛鳴垓黝雲黯黯風色變歸鴈之峰
何處是遠樹蒼茫路回轉

記異

頑雲塞空八表昏北方風來雨脚翻山狂谷怒相吐
吞百年老木蹶其根玄冥奪炎氣凌凌突屢挾續如
懷冰稚蠶殭死女心傷凍蠅緣壁時墮床悲哉壠底
秧細如針芒青腰玉女飛嚴霜

三臺篇

詠北齊
古事

三臺花礎雕寒玉西山燈火明內屋深宮曲宴哀絲
鳴中人齊唱無愁曲馮娘嬌嬌破瓜年瑟瑟裙帶踏
繡筵盤龍斗帳屈膝屏金作後貌噴麝烟華林飲散
春漏午絳幘開府對仗舞握槊不嫌龜茲國藍縷自
作貧兒戶奚騎鎖甲行駢駢祈連池上樹羽旂平陽
黑子從拋擲請看君王獵一圍壯士陣前催畫鞞佳
人鏡裏掃蛾眉黃金繫鞍不買身玄雲滿地歸路迷
胡槽絃斷淚花紅息國媚女髮如蓬君不見至今漳
河頭南園老樹來悲風

燕超齋遺稿卷之一

燕超齋遺稿卷之二

五言絕句

偶吟

新月何皎皎照此空林間
引領意無限孤雲還暮山
敬次疎隱韻

蓼花被斷隴天清涼露重寒
衣涉秋水遠村烟火動
夜坐偶書

山風撼紙窓虛閣殘燈暗幽人夢不成
悄然生百感
馬上口占

積雪水東西斜陽山向背孤村三四家
半露叢林外

訪友夜歸

夜被西隣酒歸來雪滿屨山齋人語靜燈火照幽戶

閨怨

憶昔君去日窓前初種樹樹今與樓齊君在交河戍

山齋寒夜

積雪埋窮谷山齋夜氣淒幽人起拓戶月落亂峰西

聖瑞歸東村

暝煙起墟落殘雪暎空堦那堪今夜月悄悄坐西齋

馬上卽事

謁謁墟里煙啾啾野禽語蒼然暮色來歸人策馬去

送金兄

月落春江空孤舟何處去長風吹別夢遙掛洛陽樹
謾成

啾啾暮禽語萋萋春草色窓下讀書人門前駐馬客
湖上吟

危峰近天闕空翠濕人衣無風花自落山鳥忽驚飛
別從兄

相別動經歲相逢纔一宵空山惜分袂秋思更蕭條
溪上吟

兩峰如馬耳明月當其間露出半箇壁清光先照顏

至仲綏書室夜歸呼韻口占

高風疎落木
纖月隱深松
來去無人覺
書齋隔一峰
七言絕句

除夕

山中又見歲華徂
似送情人赴遠途
燭盡杯殘留不住
五更雞唱是驪駒

送僧坐偃

孤筇單鉢卽生涯
綠水青山去路賒
芳草連天花又發
一僧歸處暮雲遮

送吳就卿還海西

海州吳文進

賒來村酒酌三巡
脉脉相看別意新
二嶺重重雲外立
滿天風雪獨行人

懷金兄次李白韻

虫語近床宵向分
迢迢別夢入湖雲
孤帆何處秋江月
束峽重重不見君

送閔有道

峽裏相逢八月秋
悲歡人世事悠悠
山齋夜靜殘燈暗
細話童年淚水遊

閨怨

不言不笑淚千行
獨坐含愁暗斷腸
六曲欄頭人寂

寂小塘春水浴鳶鴛

漁父

楓葉蕭蕭夾岸紅
蘆花深處一絲風
數聲漁笛滄波濶
人在秋江落照中

偶成

倏然長嘯散幽懷
雨過山家物色佳
貪看暮雲橫遠岫
不知新月入虛齋

次金兄舟中韻

晚來風色動春洲
一片孤舟白浪頭
橋折帆傾無奈我
天空水濶意悠悠

旅舍夜坐

濛濛晴露下春空寂寂柴門小水東客子詩情山色裏杏花疎影月明中

偶書

繞屋青山嵐翠浮薔薇花發小庭幽幽人睡起日亭午林外數聲黃栗留

次唐詩韻

琴君馬向古原州朴子家臨黑石頭四起虫聲攪離思夜深明月滿山樓

桃源

桃花源裏別歲天避世逃名六百年秦帝學仙終不
得驅他黔首作真仙

賦得銀橋升月宮

銀橋飛出白雲間仙樂飄飄舞彩鸞直上青天如踏
地晚來方識蜀途難

賦得消恨花

千葉桃花蔌蔌紅嫣然含笑倚春風西宮寂寂無人
見重對繁英恨不窮

賦得金籠蟋蟀

金籠蟋蟀爲誰鳴五夜深宮響轉清叫到扶桑朝日

出更無人報曉雞聲

賦得綠衣使者

隴右靈禽號綠衣翩翩彩翮帝城飛如何只說楊家
事不道胡兒汚貴妃

賦得醒醉草

妖姬呈態酒生馨日喚諸哥飲不停誰道靈莖除宿
醉座中唯有壽王醒

走筆謝英上人

着君世外無塵界道人間有髮僧珍重金剛經一
部破窓風雨對青燈

寓意

苦覺今年春事遲
千林蕭索冷風吹
東君不是無情思
四月看花又一奇

弘慶寺舊基

經殘佛死福田荒
一片貞珉獨不亡
惻悵花宮已銷歇
月臺西畔又斜陽

花山君宅卽事

九月林園秋色多
江湖遠客偶經過
風流得似青蓮否
隔障名姬一曲歌

絕句

風靜園林日烘簾幽人睡起換輕衫閑來獨傍前階
立自摘櫻桃與阿咸

酬李士範見寄

西天忽報好音歸剛喜情緘面目依凍筆如冰那可
把離魂似鳥不禁飛

田家雜謠

山下人家各掩扉隔林燈火遠依微夜深知有狸兒
過南舍羣雞北舍飛

其二

甕有新醪飯有鹽閑愁不遣上眉尖大兒十五身齊

戶鋤手今年一個添

其三

山下人家溪上堤堤邊小路路中泥斃出門前問行
子中州米價近高低

其四

騎竹兒童一事無生來不讀半行書等閑詫與隣家
子今歲爺孃許作襦

其五

爭言太守上官新鼓吹宜喧擁後塵田舍老翁搔首
道使君多是覓錢人

中秋之望同金兄絕句

人生得酒且酣歌對月傳觴能幾何縱使浮雲遮不
得盈時全少缺時多

上元

憶着神鴉衛主功禽中真有秬侯忠雞林黃葉成千
古藥飯年年習俗同

閨中四時詞

柳絲搖曳燕飛忙風弄花枝壓繡床春氣着人成午
睡侍兒扶起整殘粧

其二

蠶房一夜亂蛾飛
雪白綵絲欲上機
冰簟銀床寒更怯
朝來新試越羅衣

其三

簾前涼月掛疎桐
露下空階闇
暗虫最是西塘堪恨
望敗荷零落不禁風

其四

霜華凝壁蠟燈孤
鳳炭燒紅睡鴨爐
却被朝寒慵早起
倩人先焙繡羅襦

金箱峰呼韻

松杉一徑轉清幽
直上芙蓉最上頭
傍眺浮雲來冉冉

冉下看飛鳥去悠悠

清明

三旬風雨絕逢迎
閉戶燒香不世情
悵悵晚來幽獨意
一庭芳草又清明

湖亭曉望

無數青山忽若空
曉來雲氣罩千重
平明日上冥濛際
露出東南三四峰

十月二日雷

西極層陰結不開
一燈留聽雨聲來
天公不放乖龍臥
與作江湖十月雷

燕超齋遺稿卷之二

燕超齋遺稿卷之三

五言律詩

擬出塞曲

壯士輕身命從戎塞路長秦城絕地脉隴水斷人腸
月入笳音怨雲臨陣色揚功高不要賞意欲報君王
明妃怨

明主恩何晚妾身空自傷當辭一顧眄掩淚重彷徨
環珮搖關月琵琶拂塞霜行經隴頭水忍洗漢宮粧
驄馬

驄馬錦障泥驕多弄影嘶花間回玉勒柳外散霜蹄

結客游關外呼鷹過渭西珊瑚鞭不惜借與季心携

出塞

秋塞聞傳箭星門議

一作報

等壇千金燕匕首萬里漢

旌竿飛輓綠河急銜枚度磧寒天山百丈石留取勒
銘看

媒花落

庭媒花已晚春思轉紛紛羌管愁中月秦樓夢裏雲
影侵珠箔度香逗鏡臺聞驛使明朝發猶堪折贈君

折楊柳

家近長安陌門前楊柳垂東風吹落絮黃鳥轉高枝

春淚紅粧損關河白騎遲攀條三歎息何路寄相思

銅雀妓

淚盡越羅衣西陵烟樹微君恩無處所女樂少光輝
篋裏餘香在宮中御座非蕭蕭井幹路想見翠華歸

隴頭水

隴水分流去潺湲日夜鳴應添望鄉淚故作斷腸聲
出塞兼秋淨經秦共月明東西兩愁絕徒御若爲情

巫山高

絕峽通巴路荒臺憶楚君瑤姬歸後雨宋玉賦中雲
亂水東西落層峰十二分清猿啼不斷秋月豈堪聞

芳樹 番仄聲

旖旎庭前樹花開一番新影侵粧閣曙香度粉牆春
欲落愁隨雨將攀惜贈人關河望不極恐負艷陽辰
入塞

月滿天驕入燕雲屢合圍將軍百戰死部曲幾人歸
戈甲臨河盡旌旃到塞稀胡兒莫漫喜漢帝且戎衣
妾薄命

卻輦他時事離宮昨夜秋蠟燈通曉淚統扇隔年愁
調苦鳴琴嬾粧殘攬鏡羞縱饒回白日慳悴恐長休
長門怨

苔色迷金屋花陰度玉鑾夜啼憐枕濕春瘦惜衣寬
一作前魚空自泣別鶴且休彈雨入流蘇暗香銷翠被寒阿誰泉下
骨猶得返魂看

關山月

孤月生滄海清光接素秋明翻燕塞鴈寒照漢臣裘
萬里刀頭怨三年笛裏愁秦城砧杵動腸斷鳳凰樓

子夜歌

家住閭門外粧成倚畫堂桃花明露井燕子語雕梁
夜枕啼紅濕春衣拾翠香恐添幽獨意不敢繡鴛鴦

少年行

黃衫倚錦瑟醉宿酒家壚出入通侯第經過劇孟徒
蹋花春走馬燒燭夜呼盧却爲君恩重鳴弓北射胡
採蓮曲

爲愛荷花艷盈盈下晚洲微風瓜蔓水細雨木蘭舟
碧藕柔堪折紅衣爛不收小姑偏喜劇偷却玉搔頭
洞房燕

春日照香閨彫梁海燕棲菱花窺照影薤葉墜銜泥
拂髻初難認穿簾故不迷殷勤題錦字憑寄玉關西
王家少婦

嫁作王家婦華堂錦簾新圖黃工寫月拾翠解憐春

舞席回晴雪歌梁動暗塵韶光餘幾日行樂莫辭頻

古別離

步出白門路楊堤聞早鶯東風吹雨色南浦送君行
絃急隨腸斷盃殘併淚傾征輪不可望一轉一傷情

湘妃怨

帝女從南狩蒼梧怨若何園陵鎖烟霧江浦湧風波
夜雨鳴弦急春篴染淚多楚鄉千古意愁殺竹枝歌
步虛詞

北極朝元罷東皇折簡呼春遊
言雲澤夜醉聞風都月宇攀青桂
星宮摘白榆閑來闔玉局賭取海王珠

遊仙詞

桂闕模金製芝經鏤篆文龍吟搖夜月鶴羽刷春雲
彩鳥璫姬乞玄梨玉斧分空中烟霧樂留醉紫宸君

馬上口占

峽口人家滿雞聲處處聞天絲搖晚日山靄和春雲
喬木村墟古微泉野逕分遙知玄石子床上閱新文
寒食石懷次杜工部寒食韻

荒村烟火冷曠野紙錢飛草色經春雨柴門掩夕暉
佳辰今日是尊酒故人違舊俗知猶在兒童折柳歸

信筆

庭草春來綠村煙日暮多山中一夜雨溪上數枝花
酒熟誰同醉詩成謾自誇故人在千里相憶意如何
晚眺有懷

隨意步青蕪深山日欲晡釋耕牛自返求友鳥相呼
客夢懸雲樹春風入杏蒲前溪波渙渙浩蕩一雙鳬
用王潯韻

人行芳草裏花發春風前遙野夕陰結中天新月懸
鳥來如有意松老不知年煙霧連山起吾家若箇邊
聖瑞將之京

聖瑞何如者堤州一布衣人稱玄石子獨閉碧山扉

契濶魚生釜詩情馬脫鞵秦京千里道去去幾時歸
李士益將返洛臨行索詩率題以贈

行子戒前途山日照層隅峽危征馬怯江濶片帆孤
春度梨花妥風薰榭葉鹿何時竹窓下相對共胡盧
病中率題短律

對食誰能食當眠不敢眠醫言多錯了藥力更茫然
六月炎蒸積孤齋夜雨懸披衾坐悄悄一日劇三年

其二

自從亭伯去蓬戶到人稀草際青蛙出林間白蝶飛
炎雲度墻角潦雨長苔衣信手翻書葉微風自入扉

曩有二僧來訪自言住紺岳頗解文稍可與語
亦不易得也

多年住紺岳最愛白蓮庵佛宇三千界禪經一百函
摩尼照濁水花雨禮瞿曇松桂蒼山月清鍾響半巖
溪上卽事

暮行溪上路漁火燦如星獨立發清嘯遲回待友生
山村嗥夜犬草壠點秋螢坐誦潘郎賦誰知宋玉情
偶書

小童燈下睡羸馬夜中嘶落帽佳辰近披襟露氣淒
菊心應有待虫語定無稽榮落皆天理何須苦慘悽

與金兄朴措大聖瑞洪措大叔卿許措大仲剛
俱作赴試之行方住清風余獨坐無偶賦詩遣
懷祈晴占夢蓋實錄也

節序三秋盡離腸一寸劒遙風吹葉落層嶂入天巉
矮屋依沙渚佳期阻霧巖會應傳吉報鵲語已咕喃
雪後

雪後黃花少山中白屋多天時日已促吾道竟如何
廢阜牛衣冷明窓鳥影過無人睡自覺隔水有樵歌
賦得的的帆向浦

乍挂長洲北翻移別浦東影涵秋浪動竿出水烟空

的的懸斜日飄飄引晚風
歛然看不見佇立思何窮
呈申金兩兄

曉衾成短夢天末憶長安
雲起黃驪遠湖連白鷺寒
風簷鳴竹葉雪屋冷棋盤
皎皎姮娥月愁人獨夜看

憶林湖

丹井茅仙洞青山振屨樓
下臨千丈水中有一孤舟
霞月無人管湖天此歲道
西窓昨夜夢冰雪滿汀洲

懶性

懶性應天賦乾愁不自寬
本無千日酒那有九還丹
鳥宿風林動燈懸雪屋寒
開窓一長嘯天遠月團團

塞下曲

秋高塞月明鼓角動邊聲上將嚴軍令中宵斫虜營
洗兵遼海水秣馬翕侯城楯鼻好磨墨飛書奏帝京
雞旣鳴矣月未落矣攬衣出戶予夷猶四顧
無人孤影在地沉思永歎慨然有述

四面送雞聲中庭猶月明籬根春雪映簷角曉風清
星宿名難記天河影易傾愁人不能寢獨自下堦行

春朝有懷

睡足起穿衣疎籬幽鳥飛春寒山色閉晝雨市人稀
峽坼重雲塞天長一鴈歸西來有信使莫遣阻音徽

四月之晦遊林湖

湖水深無極孤舟日夜橫游人多逸興清嘯散塵纓
行到紅流洞臥聽黃鳥聲觀漁未得意並馬返柴荆
陪疎隱滄浪遊林湖實七月既望也

借問林池樂何如赤壁遊冀凋纔一葉月白自千秋
涼櫂微風進平湖積氣浮廬山更不遠林杪挂飛流

記目

峽坼清江注巖高白日懸看山頻駐馬臨水忽聞蠅
點點雲篩雨回回谷量天長途倦行役稅駕在邠邊

獨樂亭

亭上有四佳詩

山園平野濶亭壓大江流先輩文章古西風草樹秋
亂蟬鳴落日疎鷺立寒洲天末思歸客雲烟儘起愁

偶賦卽目

不有巖僧至誰因澗戶開檢書抽古簡種火着新灰
密樹寒烟積空山細雨來歸心與節序日夜僅相催

有人卜居開野搆茆堂

代人作
次韻

近野開天秘誅茆發地新琴書堪送老鷗鷺不驚人
對酒山當戶留賓草作茵幽棲足閑趣日與白雲親
向東村馬上口占

信馬經墟曲逢人坐道周蘿衣與草近杉樹聽禽幽

逕細侵雲轉溪喧觸石流書巢暫拋却偶此和農謳
野行

濃樾微風進平郊麗景長黃憐麥垂穎青愛稻分秧
闌草兒童集携筐婦子忙翛然多野興吟眺向斜陽
白露

白露爲霜日青燈獨夜情地偏迎客少節爽覺身輕
寡鶴聲聲怨羈鴻箇箇鳴有懷眠不着缺月半牕明
用杜工部韻賦石假山

真贗元同趣洪纖亦一羣牕含三島氣簾鎖四明雲
桂露微微滴松陰細細分秋花與點綴春意覺氤氲

薄暮縱步至溪上仍尋北隣帶月而歸

煙合長郊暝水開細澗通柴門山斷處步履月明中
偶出初無意相知獨有翁忽逢陳畝客消息問琴公

對雨用杜詩韻

雲霧正冥冥前溪春水生孤吟閉戶坐疎雨落簷聲
鶴洗雙翎白蟾藏半壁明池塘有青草歸夢蘂珠城

其二

一雨仍終日連山盡入雲森森訝繩直細細却絲紛
泥滑行難穩村遙望不分啼禽棲未定愁絕隔林聞

復次

蟄戶羣虫動泥庭百草生亂雲催暝色密雨入春聲
人語千村靜燈懸小屋明無因賒斗酒痛飲破愁城

其二

迨地淹春水低墻度濕雲爐薰飄細細簷雨落紛紛
煙火空林靜隣家束楚分仍懷遠行客消息幾時聞
振屨軒晚霽用杜子美螢火韻

積雨未全霽隨風猶自飛虹銷仍抱暈雲細却成衣
蘋藻涵明鏡松杉韻翠微高軒藉疎豁共賦醉無歸
過夢蘭齋

抱野潺湲水綠岡樸樸林蘭齋應獨閉藜杖故相尋

霜露三秋氣江湖萬里心蕭條增別緒詩罷目長吟

夜思

燈前讀書罷簷際雨蕭騷蛩語深秋切灘聲靜夜高
牢愁發孤詠密席阻羣髦苦覺人情薄誰知我思勞

泛島潭

偶愜尋真意南征木落時船從屏裏隱天向管中窺
風蹙回湍急山留返櫂遲明朝大嶺上餘興屬新詩

其二

中峰最孤絕左右勢肩隨鬼斧經營壯仙舟曲折奇
深蟠太陰黑高拄上天欹坐覺蓬壺近銀臺指點疑

宿雙溪精舍

旅宿雙溪夜孤吟落木天前修邈難及久客意茫然
徑暗山雲重窓明硤月圓他鄉逢酒賦實有主人賢
酬從兄汝賓見寄

大特催晚晚吾道屬艱難契濶姜衾冷飄零魯酒酸
龍蛇大澤凍雲雪四山寒棣萼無因接音書幾度看
贈琴別提

山中春二月料峭尚餘寒有客移桑樹無人到藥欄
苔生侵井榻地僻懶衣冠偶值陳田叟清觴續舊歡

龍壽寺

在禮安縣龍頭山

方丈前朝舊烟霞此地偏松陰分衆壑花雨下諸天
鯨吼霜鍾發龍吟曉梵傳仍聞靈隱好路險莫寅緣
花山君宅夜飲促詩

庾嶺之春將回錦江之行將發三爵初行仍
成五律

此夜一盃酒明朝千里人天長漢水北雪滿錦江濱
不恨窮途別那無後會辰南雲歸鴈盡消息若爲真
留別從兄

世故憂虞切離情去住難江潭十月暮天地小儒酸
此別消魂盡他時望眼寒依然荆樹會獨許夢中看

伯舅氏自京師戾止于茲間濶既久悲喜并集
今將旋軫綴此以獻情見于詞

復作渭陽別江湖來早春愁連草心動淚入柳條新
冰雪千山遠京華一室貧悲歡十年事佇立望行塵
李生泰錫將還海上走筆爲贈

信宿還成別臨歧悄不歡山春麋峻濕海雪鶴窠寒
黯黯魂俱斷棲棲跡未安孤雲天一握客路向西看
夢庚軒呼韻奉送疎翁溟州之行

陪讌留彭戴論詩接祐疑杯尊千里意風雨一窓燈
滄海無終極關山不可登愁心與明月別後兩相增

其二

驪路歌何怨姑山道未疑雨聲傳夜閣離思向秋燈
裘薄霜先重囊空歲不登休論貧到骨滄海興逾增

其三

鏡水如經眼玻璃萬頃凝鷗汀風折葦漁戶月交燈
仙舸凌空轉荒臺倚醉登溟州舊紙價此去頓須增
呼韻贈仲綏別

風簾憶玄度林宇見僧淵細雨披簑外孤雲把袂邊
杯傳春酒釀樹着晚花鮮明日思君意山鷺攪獨眠

晚歸

薄晚林鴉集深春徑草長炊烟一村白曛日半天黃
風逆沉城角山回隱野堂新花媚人眼衫袖逗生香

閑居漫成

春烟初改木夜雨總開花令節撩人意新詩答物華
窓明堪試墨泉活欲分茶幽事關情性沉冥跡未賒

春意

自有登山屐能無下澤車東風吹水國春色滿吾廬
朋友多同社招邀數報書恐遭花鳥笑休遣酒尊虛

白屋

白屋雲山僻丹砂歲月遲蹉跎九郡興搖蕩二潭期

花落銜杯處鶯啼散帙時隨緣作小隱世事豈吾知
次松坡先生垂贈韻奉寄

紫氣臨關合青山繞宅來祇今廊廟具己老豫章材
舊服餘金帶新芳草玉杯共傳東壁宿光並壽躔開

野望

窈窕村居僻消搖野望開腴田隨地麥老樹徧身苔
峰雪嵌空出人烟度水來東臯將有事春意杏蒲催

過三田浦

三浦胡書碣山城憶解圍空聞千乘國未見一戎衣
將帥無籌策文章有是非朝宗迷故道江水欲何歸

溪上口號

岸草萋萋合村煙澹澹斜遠峰收返炤深樾隱餘花
坐憶垂竿石行憐響屨沙蛙鳴底心性吾意厭諠譁

挽花山君

承命作

王室敦親懿宗英出本支玉觴天美祿金帶主恩
私雅望歸麟定風流在鴈池祗今華屋裏松石有餘
悲

其二

尚憶情懽地寒天客上都醉拈金鑿落歌繞錦屠蘇
婚媾平生好存亡此路殊一哀侵疾病雙淚灑江湖

其三

驚波曾不駐惡石竟無功江漢三年別乾坤萬事空
中身邠是老季子未成童啜泣吾家女榛筭在眼中

夢庚軒詩

朝暮對山色幽居疎俗緣鈎簾席月坐跂石撥雲眠
愛酒應天性耽閑卽地仙神交有太白誰謂間千年

雨中呼韻與聖瑞同賦二律

桃李花飛盡閑庭草色深詩篇吾輩事謔浪故人心
疎雨鳴虛閣歸雲擁暮林縱無多少酌且闌短長吟

其二

簷虛春雨滴村迥暮煙深草長侵人迹花飄惱客心
亂蛙喧野水幽鳥赴園林愛子青霞氣慚吾白雪吟

七言律詩

泛島潭

江木蕭森葉盡零浴鳬飛鷺滿回汀湖心石斷三峰
白巖頂天團一竅青歲暮蛟龍依窟宅山深藥草闕
仙靈蘭橈却轉蘋洲晚愁向湘潭問獨醒

其二

萬古滄波一釣舟三山積翠在中流天寒水落黿鼉
窟日暖沙明鴈鷺洲魚海使君空悵望鶴亭歸客暫

遲留嵌空秀色應無比米老顛狂不解求

島潭作

江干亭午秣歸驂可忍無詩過島潭水勢平鋪羅帶
一雲根高並戟支三樵舡挾柁乘風便鐵壁隣天畏
日銜莫遣重來迷舊路滿磯鷗鷺許相叅

夜坐口號贈別李兄

空山秋夜雨蕭蕭虫語人情兩寂寥念我窮居少歡
日與君相別又明朝溪邊殘柳誰堪折江上歸舟自
可招爲問西行到京洛能將書札訪漁樵

送人

沙洲新柳政堪憐
聽唱驪駒思黯然
臥病一春恒雨
雪送君千里各風烟
山村小屋谿聲內
海國浮雲馬
首前看取盈盈天
畔月夜來應並寸心懸

旅舍次劉長卿韻

小聚蕭條起暮烟
日窮平楚正蒼然
翻風麥浪連平地
礙日螺鬟接遠天
詩句仍成旅舍雨
夢魂偏入義
湖舡孤燈耿耿看書倦
山色當牕也可憐

次杜草堂秋興韻

西風蕭瑟動疎林
極目平郊古木森
暮地長烟和暮
色啣山殘日帶秋陰
黃花赤葉催詩興
碧水青巒契

素心高臥小齋無一事晚來墟落數聲砧

其二

峽口陰雲翳夕暉荒原衰草遠依微寒生茅屋陰蛩
語霜落蘆洲候鴈飛新酒一盃成快活故人千里愁
吟遑携筇步出苔磯坐雨後清溪水腹肥

黃鶴樓

閬風仙人駕黃鶴黃鶴名傳江上樓一去蓬島幾萬
里漢陽煙樹寒悠悠青山隱隱帶平野翠霧濛濛生
遠洲長笛一聲人不見武昌城外暮雲愁

行經華陰

西岳迢迢接玉京舊傳仙子鍊丹成
鴈峰縹緲收殘霧驛樹蒼茫帶晚晴
河水一條衝塞斷咸陽萬戶入雲平
漢皇當日千年計祠屋荒涼碧草生

九日登仙臺寄崔明府

烟雨空濛暗古臺重陽佳節菊花開
千年仙迹青牛遠萬里秋聲白鴈來
疊嶂蒼蒼橫地出大河潏潏接天回
江州太守風流客肯許淵明共把盃

送王李二少府謫潭峽二州

離愁別葉共紛如巴楚東南隔帝居
路入蠶叢須問俗魂招魚腹定投書
湘江暮雨青衫濕巫峽秋風白

髮疎征馬一聲人已遠河橋斜日獨躊躇

歸百畝

一歲佳辰直上元農竿簇簇紙鳶翻山圍大野疑無
路煙抹遙林認有村溪澗雪消添水色畬田春入着
燒痕行吟不覺歸時晚未到蓬門日欲昏

金兄之行想已過驪江驪江多觀覽之美春風
倚棹詩興有洋洋者矣恨不能共之

行人遙向洛城中泛泛烟波興不窮神勒寺前雲鎖
塔清心樓下水連空東風暮引西歸夢南浦春驚北
度鴻尊酒一床知不遠山中三月百花紅

還百畝道中口號

礫礫春山恠鳥啼夜來微雨麥苗齊和風習習吹人
面芳草萋萋沒馬蹄曠野煙生村遠近亂峰雲散樹
高低清溪一道花千樹莫是當年晉客迷

湖上有作

習習和風細細吹芳郊晴日燕差池林間墜葉春猶
積湖上輕舟晚更移雨裏山榴紅片片烟含堤柳綠
悠悠風流合與山公並騎馬應須倒接羅

歸道口占

行人怯雨急催鞭短僕不行羸馬顛長壑東頭雲拂

地泉巖西畔草連天青山矗矗臨山縣流水潺潺入
水田此去吾家知不遠的應歸及午時前

偶吟

燈懸暗壁呌寒蟾獨宿虛齋夜未央別後故人書斷
絕簷前秋雨響淋浪水涵蒲葉鳬翁沒露滴松梢鶴
夢長萬物從來皆自得嘯歌林岫定非狂

次杜工部韻

偃臥山齋夜已深紛紛白鳥苦相侵厭聽絡緯三更
語勤撥篝燈一寸心入戶谿聲搖客夢隔窗松籟伴
人吟陰雲散盡蟾輝露詩思如濤不可禁

送金兄之中州兼懷趙子始

琴臺才子近平安別後音書幾度看
嶺峭每教鴻信阻徑危先怕馬行難
清秋野外黃雲遍昨夜山中白露寒
料得歸時江上宿四休亭迥月團團

遣懷

孤坐支頤悄不歡今宵明月共誰看
冰霜慘淡玄冬晚煙火蕭條白屋寒
祇有夢魂當面目更無書札報平安
病憂離思凝顰外短燭熒熒一點殘

其二

舞雪回風攪遠情天時又屬夏嘉平
山連越郡千峰

亂月照荆門半夜明恨別不堪雙鯉阻
筭程惟隔六
午鳴懸知雲竇饒清興採藥尋真處處行

效李義山

天子宮中賜錦衣堂堂珂馬踏花歸
春風樓閣仙人
語細雨池臺好鳥飛紗影半籠紅蠟燭
香烟細透碧
羅幃却愁五夜朝天去不許當關報曙輝

次錢起長信怨

輕羅小扇暗驚秋十二欄頭夜轉幽
水咽銅壺殘漏
澁露凝金屋數螢流紅巾濕盡風吹淚
翠被香銷月
照愁縱使君王重顧盼容華能得幾時留

次耿漳塞上曲

日暮風沙暗天起將軍覘虜度
龍城西臨瀚海寒吹角北渡交河
夜伏兵霜落榆關胡馬健月明沙磧塞
鴻征佳人淚染回文錦蕩子魂銷橫
篴聲

漢武帝

青雀翩翩去不歸蓬萊金闕海中微
披香博士晨開殿鈎弋夫人夜卷衣
仙掌月明清露濕汾河秋盡白雲飛
縱然一下輪臺詔贏得千秋萬世譏

元日有作

流光倏忽劇驚湍峽口春風六度看
須捷經冬邠禁

孤
綻屠蘇滿酌不留殘斜陽遠帶孤山晚積雪平埋大
野寒未識今年三百日幾番愁思幾番懽

溪上晚眺

蒼蒼落日下西山延佇沙頭久未還千里暮雲遙掩
翳一溪流水冷潺湲秦城信札愁頻外越客音容夢
寐間遠目自然增百感不如歸去偃荆關

夢遇金從談詩詩有水國有霜簾生寒之句得
夢後四五日聞其失意聊爲志之

春宵短似三冬日客夢長於萬里天別後清顏渾是
舊覺來佳句尚堪傳會將毛質排風力幾日帆檣到

水邊更覺東皇多意思留花不發待君旋

四月之晦遊林湖

汀洲草長散鳬鷺倒水蒼巒勢似筭乞火沙村炊白
粲披榛山路劇青泥林霏不散蘿衣濕峽日方中樹
影齊肯怕狂風欺病客洞天深處石爲閨

夏日燕居

簷風微度樹陰繁陂麥青熒浪自翻小雨不禁龜背
坼亂雲時作獸形屯高齋盡日唯欹枕窮巷無人獨
閉門說與兒童休浪出茂林豐草蝮蛇存

解糲節獨坐山齋殊爲無慘纖月中天微風起

林穿履散步矯首遐觀感古撫今慨然有作
百年身世等浮萍急節堂堂去不停五日鞦韆知國
俗千秋角黍想英靈風前花落香侵袖月下人行影
在庭料理糟丘吾欲老卽今流俗忌偏醒

老儒

螢窓讀罷五車書文字波中髣髴髮疎幾向王庭談禮
樂未將科第耀鄉閭齒牙欲盡訛音讀眼睫全昏眩
魯魚虛負一生稽古力向來儒術竟何如

老醫

少學青囊術已精擬將和鵲僮馳聲傳家三世偏知

脉分劑多年不用衡肘後縱然神訣秘髣邊無那素
標明衰癯豈復經行遠時許鄰人送馬迎

度北倉至獫川

騎馬平朝望北倉天光水色共蒼茫青山隔霧渾疑
畫碧草迎秋也自芳亂石如麻危逕路遠洲無浪穩
舟航却投蒼耳林中去獫浦回看一帶長

鄭家池亭

紅蓼花開刺眼新茅亭環水淨無塵那愁漂轉無歸
處却喜逢迎有主人風柳併搖孤客夢雲山長伴遠
遊身卽今相對成良晤盃酒從容意更真

赴秋闈

巳卯
秋科

西風吹我送長安昨夜山中雪意寒客路不隨秋日
短旅愁全賴酒盃寬輕烟罩水遙增碧敗葉鏐風半
失丹縱使殘荷未堪折紫荊枝畔可同歡

此身

此身曾住好林泉一入秋闈亦偶然腹裏何曾藏豹
半眼中翻覺沒牛全餘人更在孫山外今日從教祖
逖先莫說差強人意思羞將車甲獨歸燕

青衿

巳卯
秋司
馬唱
榜日

青衿濟濟拜

君門隨例觀光亦是

恩日轉觚稜

臨斗極天涵雨露滿宮尊仗分鹵簿排成列樂撤軒
縣靜不喧半紙白牌殊不薄幾人渡灞正消魂

爲謁癯溪先生向果川到漢上作

側身天地思何窮荒野蕭條一望空白鶴不歸林樹
古蒼龍無影漢山童舟橫十月風江上人在孤村水
氣中便與侯芭偕問字玄亭何處掩蒿蓬

曉發天安

東方曙色遠依微何處雞聲送我歸峽口冷雲低馬
首溪頭落月近人衣風吹獨樹寒無葉鳥宿千林靜
不飛遙想故園今寂寞一庭殘雪映荒扉

酒後走筆謝李亞使

尚說

深山短日易黃昏
改席淹留屢命尊
有遣嵇康題鳳字
却攀元禮托龍門
林池缺月懸愁夢
錦水寒波洗別魂
離合悠悠渾不定
朔雲衰草更堪論

酬從兄步臥雲齋唱酬韻見寄之作

記得蓬泉去住時
曉風殘月不勝悲
那堪別後無消息
直道春來有好期
嶺樹雲飛孤鳥沒
江湖天濶一帆遲
何緣領取荆花色
更與慇懃勸酒卮

其二

條風應律報春時
獨有愁人意自悲
芳草似知佳節

近清尊空與野翁期雪晴山郭疎煙冷柳拂溪橋淑
景遲千里緘封心緒亂呼童覓酒但傾卮

其三

鵠原別後歲華更憶昨江干並馬行許椽全家多道
氣謝公羣弟摠詩名孤吟雪戶燈相伴離思春塘草
僅生珍重郵筒千里到入懷先覺夜珠明

雨中寒食

山雨通宵灑紙窓空齋盡日不聞聲東風吹冷千家
食大野平浮一面江眼看新春今又半天教良友忽
成雙北隣老叟風流甚迭與墻頭酒一缸

次李嘉祐贈別嚴士元

濃花細草滿春城
雨色雲容解晚晴
別酒留連蓬底醉
歸槳伊軋鏡中聲
風塵乾沒翻堪笑
湖海真遊空復情
一望孤舟心斷續
却教華髮等閑生

次萬楚五日觀妓

窄窄衫裁薄薄紗
新粧袿服惜容華
纖腰裊裊飄迴雪
寶唾輕輕散作花
百草闌回金砌暖
雙絲縈着玉葱斜
爲君歌舞窮曛旭
可獨翻風在石家

次張濯舜廟

潛光不與野人分
玄德終爲四海君
斑竹痕殘二妃

淚翠華影斷九疑雲春江杜若馨香薦古廟杉松浙
瀝聞青史昭昭標聖化千秋萬歲挹遺薰

次巴嶺答杜二見憶

褒斜谷口聽猿時濯錦江邊有所思劍外風塵長作
客天涯涕淚獨題詩懸車烏道還佳節吹帽龍山更
阿誰孤館殘燈眠不着黃花赤葉意兼悲

上西園作

青陽謝事日移躔又是清和四月天黃鳥聲中無俗
耳綠陰深處有人眠貧堪量腹餐松葉閑爲支頭揀
石磚隨興自來還自去惟將屐齒印苔錢

謾興

幽居終日睡
耿耿陣陣輕風
不滿簷蝴蝶弄晴霑粉
重薺薇承雨染黃添閑將棗核供香炷故貼松牋試
筆尖但使百年身快活也從三月食無鹽

次神勒寺作

望裏烟波盡裏山
蒼藤古木護禪關
空王世界金銀色
水國帆檣霧雨間
行子獨隨清磬至
居僧相伴白雲閑
憶曾辜負登臨興
讀罷新詩一厚顏

次驪江作

宿霧蒼蒼曉日曛
行人欲發渚禽喧
長風送客吹帆

影百丈牽江劈浪痕縹緲浮圖瞻甍寺孱顏積翠見
龍門舟中別有真風味岸上頻尋買酒村

呼韻送別申兄

湖上秋風欲送行空山獨夜不勝情虫喧暗壁孤燈
冷鶴唳空庭缺月明已判音容經歲別未妨談笑到
參橫歸人別有閑愁在檀嶺崎嶇路不平

夜吟

平生誤道安身易今日方知處世難尊酒欲謀佳節
醉塵冠莫向故人彈滿山風雨重陽逼一榻琴書獨
夜寒添得閑愁轉無俚籬邊荒菊不堪看

醉後走筆送從兄

明朝一鴈入長安
雲雪埋山獨夜寒
熟醉只應吾輩事
新詩未許俗人看
離心耿耿燈懸壁
客路迢迢月照鞍
南郭舊遊渾似夢
不知何日更團圓

金上舍鼎元過詫其山房之樂且道其林泉之勝要余賦之爲次其韻

高遯村中晚卜居
清流瀲灩繞精廬
新開菊徑供携酒
每斲松肪課讀書
世事桃源舟返後
道情槐國夢醒初
詩篇苦被慙慙覓
知我林泉迹未疎

貽崔宅明

君自平原昨日歸袖中雉岳紀行詩嵯峨危棧羊腸
險零落寒雲馬首飛齊氣却容吾輩識郢聲休與里
人知玄亭剩欲論奇字積雪經旬不啓扉

題蟄菴

幽棲足以了清閑藥物圖書滿座間三逕只應容我
迹一塵那得到君顏冰霜倚薄蛟龍水霧雨沉靈虎
豹山習靜多時曾不出白雲何事又封關

漫成

簷前百鳥已春聲戶外蒼山不世情新句偶成如有
助舊醅雖薄亦須傾晴牕日暖梳頭穩野塢風和步

屨輕萬卷詩書無盡趣一爐香炷有餘清

在川上示同遊

冥濛野靄接山烟百頃平田一道川籬隙紅知薄暮
火草根青覺半春天村間不斷通長樂盤石如存失
酒泉便欲與君留待月夜深應有半規懸

酬李士範

緘書臘月雪飄零尺素重廻又踏青詩帶古風容我
續琴翻新譜索誰聽一年最好春將晚萬事都除醉
不醒塵爵難斟花易落幾時相對共忘形

建也道其衷要予詩戲以應之

建之
姓劉

荒煙衰草漢陵寒
白葉孱孫一褐寬
愁劇鰥魚眠不穩
悲連鴻鴈影仍單
強邀隣女縫裳綻
生怕村童問字難
回首歌坊舊遊地
洛城明月夢中看

適有雞龍衲子過訪呼韻各賦

西河離索我心勞
湖上秋天日夜高
欲送連枝向京國
况逢零葉下亭臯
孤燈掛壁殘蛩咽
纖月流空獨鴈號
此別應須各努力
相看猶未白顛毛

登竹嶺

郵村秣馬聽朝雞
步步綠雲上石梯
天爲邦家設險阻
地分湖嶺錯輪蹄
奔流嚙壑風霆鬪
絕碛盤空日

寒枝三星缺月愁
頻外嶺路橫天夢亦遲

和除夜

六琯葭莩屢改灰
幾時棠棣得聯開
年光似水終難住
愁緒如山豈易摧
人意不辭通夜坐
雞聲何苦喚春回
翻思童稚爭湯餅
轉覺浮生冉冉催

其二

情緒寥寥着死灰
衡闌深鎖不曾開
天寒只倚盃心凸
夜久頻看燭淚摧
世事飽經蒼狗變
年華誰挽白駒回
鴿原一別長愁絕
更怯新春取次催

和內兄見寄韻

漢上音書到峽頻行當發棹大江濱卽知暖眼無多
日却被寒威滯半春鏡裏自驚愁裏面夢中常見意
中人非君襟袍能相照齷齪誰將愛我真

二十三日甲辰夜夢陪疎翁游招提亦不詳其
寺名寺門臨大江江上有石盤陀窾而爲一坎
清泉泓澄其中可洗心也入室有靜聞之趣登
臺得疎豁之情疎翁意甚樂之顧余徵詩余不
得堅辭旣覺則失之念余平生得夢多不記其
可記者多在僧舍佛宇之間此何以也當由丘
壑之性適相符耶復疊成字呈疎翁几下

蕭寺門前積水明，生臺斜日伴僧行。
泓泉與三衣濯，十笏房容四大成。
地濶天高憑醉望，鳥啼花落引詩情。
真隨許掾叅支遁，記得談筵玉麈橫。

卽目

白社高僧久見招，偶逢晴景引征鑣。
明沙抱日金鱗閃，垂柳含風翠尾搖。
泥屋蠶飢桑女疾，渚田龜坼穉人焦。
醫良活國非吾分，獨對青山歌且謠。

夢遊紺岳依然前日之賞，獨飛泉一派，初見也。
蓮峰下瞰鳥飛低，松寺重尋一鶴棲。
飛瀑噴山雷雨壯，叢嵐映日霽天迷。
祗林舊踏金繩路，嵌竇新攢石

髓泥轉眄人間都是夢前遊應與後遊齊

和汝重

洞裏乾坤昔爛柯詩人逸興復如何招攜乍似蛩啣
草露濕仍逢豕涉波空翠入簷山色近風泉隔屋雨
聲多知君自有元龍氣明日天晴許更過

和仲綏見眎

蘿軒雨後氣翛然戶牖全輸一壑烟晚樹交花明小
塢殘虹背日飲前川戲拋蓮葍埋盆種閑入松林選
石眠幽事相關應獨樂可能容我共盤旋

仲綏有贈次韻

傲骨嶙峋不入時，閉關常對卷中師。
清風舊誦波瀾遠，明月新裝珮服奇。
壯日已羞虫篆賦，故人無忘鳥鳴詩。
庭前雪後雙松翠，歲晚心期願若斯。

長安秋曉仲綏先有此作依韻和之

歷歷疎星一半沉，丁丁寒漏九門深。
金吾未放嚴城鑰，玉女猶催御苑砧。
鍾律含霜清闕角，火城連月闢班心。
終南宿霧饒寒色，散入皇州作曙陰。

其二

秦宮漢闕半沉沉，北斗城中海色深。
落月低臨承露掌，涼風輕拂擣衣砧。
霜閨戍婦愁邊夢，雲閣詞臣賦

罷心知道夜來蕭瑟意金溝御柳不成陰

出塞曲

秋高塞上見烽烟六郡材雄大出邊朔色平分飲馬
窟黃雲不盡射雕天榆關月滿橫笳外瀚海霜飛倚
劒前探騎翩翩來未已單于昨夜獵燕然

其二

胡虜乘秋入塞垣嫖姚受鉞鑿凶門指揮猛士風霆
迅翻動高旌日月昏蘆管三更搖磧色席其千里盡
河源誰知負羽輕生志不爲封侯爲主恩

其三

輪臺西望暗風沙旌旆飛揚塞日斜戰士多騎汗血
馬連營皆用武剛車直緣恩重常輕敵可要功高不
憶家邊酒千鍾還自醉戍樓明月聽悲笳

和仲綏

尋芳日日赴春臺碧草門前白道開楊柳風流張緒
至桃花顏色太真來異書舊讀能千卷名酒新成又
一杯應爲韶華忙對屬隔林黃鳥重相催

觀瀑

朝來杖策紅流洞瀑水噴人氣勢驕風雨雷霆雙壁
裂松杉枯朽四山搖青天倒瀉蛟龍窟白日斜明蟬

竦橋頗憶往時秦楚事眼中河朔未全遙

呼韻各賦

秋花錦石眼雙明度盡松風萬壑聲十里溪流環野
轉數家煙氣隔林生桃源畫出應全似輞水詩成頓
覺清遊興不隨山日短洞天回首有餘情

夜宿仲綏宅呼韻各賦

輕屨緣山步步西到時松路已冥迷北隣車馬虛相
待寒夜衾裯費獨携嶺外書廻千里鴈燈前坐聽五
更雞主人自有凌雲賦凍筆能容滿壁題

聞仲綏石弄璋之喜走筆賀之

高門喜氣早迎春
持慰萱堂鶴髮親
滄海月明珠色動
碧梧風暖鳳毛新
試教啼看知英物
豫占書來託故人
會作君家湯餅客
揚杯三祝石麒麟

有美堂詩

塵纓一濯錦江波
谷口蓬門掩雀羅
隱几碧收平野盡
卷簾青割遠峰多
千家春意先蒲杏
十里人烟間薜蘿
聞說村中饒樂事
羽山三載報時和

其二

甃收朝蹟臥江鄉
剛爲葦鱸引興長
觴政春開家釀美
墨莊晴曬賜書香
西山手攬煙霞氣
北極心懸

日月光林壑軒裳無不可虛舟泛泛信行藏

其三

風埃衮衮歲華催琴鶴相將錦里回故着荷衣山鳥
恠新叅蓮社岳僧來瓜畦匝屋分泉逗花徑迷人隔
竹開縱有菟裘能辦老方隅今日要長材

偶次杜工部韻

疾病侵身無可奈圖書滿屋與誰看三更隙月疎櫺
白一炷篝燈半壁寒雪戶只堪袁氏臥塵冠寧向貢
公彈區區得喪浮雲外試道人間底事難

感事題甲申曆

四海尊秦六十暮滄溟東畔魯連悲神州悽愴王風
盡天路蒼茫帝曜移宣聖舊文休紀月容成遺法尚
編時箕封再造知誰力歲到涖灘涕自危

呈姊兄密昌公子

北岳幽居寂寞濱憶曾爲客累經旬君能契濶同寒
士我已江湖作散人剛爲離愁寬帶眼那堪長路阻
音塵定知癡少關懷抱畏日炎炎正在鶉

以詩替書寄羣從兄弟

湖天落落曉星疎夜雨盃尊一夢餘愁裏光陰渾不
住春來消息又何如中原積雪迷鴻鴈錦水層冰隔

鯉魚欲寫衷情無尺素非關叔夜懶裁書

奉和南平堂叔恩移窩詩

清涼地面寄蓬茨南紀風烟正要詩已覺恩私深
漢帝休將醒醉話漁師屏山寒翠明愁眼洛水春流
洗怨思擺却十年茅瘴色鏡中雙髻未應衰

改火日風雪凄然閉門獨坐漫成一律

雪雨連山黯不收清明佳節興全道花心未放南枝
色鴈意仍含北地愁憫憶蒲城千斛酒寒思燕市百
金裘空齋獨臥琴書冷自作悲歌撫蒯緱

寒食

青蕪極目燕交飛剪剪輕風拂野扉澤國十年驚熟
食山家三月惻生衣閑來西閣鉤簾坐醉到東陂岸
幘歸遙憶京華游冶地滿城新柳鬪芳菲

別趙子施

山橋柳色綠如縑二嶺春雲馬首高惜別花間頻改
席論交海內幾同袍衝星劒氣誰當識繞雪琴絃且
獨搯直把心期相感激錦江雖濶不容刀

漫成

野巷山扉處處幽同袍何意不相求桃花一簇牽春
夢燕子雙飛赴晚愁隙日斜臨書葉照游絲低並篆

香浮蕭然獨覺靈臺淨目送寒雲過屋頭

東湖滯雨呈再從兄伯也甫

大江之水流洋洋遊子歸心相與長澤國雲山迷短
夢津亭草樹近重陽鯉魚風急淹歸棹鴻鴈天高悲
斷行古往今來共涕淚死生契濶都茫茫

東歸雜賦用杜工部韻十首

客子東行逢滯雨江村信宿似經年詩成紅樹黃花
外帆落滄波白鳥邊北極浮雲通遠望西山爽氣破
愁眠腐儒書劒俱無補敢道金臺未築燕

其二

西去人多東去少下江舡駛上江遲
廣陵煙水鳴榔外華岳秋光把酒時
客裏偶成荆樹會山中已負菊花期
故園松桂今無恙千里含情一問之

其三

船頭落日飲君酒江上秋風吹我裳
着盡敝貂蘇子困吟來衰鳳楚人狂
浮天波浪鼃鼃國滿地蒹葭鴈鷺鄉
渺渺孤帆迷泊處故山黃菊又重陽

其四

十年再見終南色擬獻長楊病却休
故國尊鱸千里夢秋風蘆鴈一江愁
非關蜀客能題柱欲學吳兒白

刺舟神勒寺前今古意牧翁去後畢翁遊

其五

青楓秋映紫荊春江上逢迎喜有人天濶鴈行多斷
續風高鷁羽易逡巡山浮綠翠明如畫樓壓澄波煥
若神珍重漁翁歌款乃絕勝紅袖動朱唇

其六

夜渚無風浪自生白蘋秋色動詩情林中覓路霑霜
滑臺上看碑映月明弟子傳衣思惠遠文章破的憶
宣城平朝解纜東歸去愁外龍門一簇橫

其七

江頭白塔倚岩亭雲裏花龕入杳冥爐底香烟清梵
唄壁間燈影閃丹青諸天早月留僧話獨夜寒鍾喚
客醒滿目滄波歸興足世人何苦戀塵涇

其八

滄波渺渺通千里並水人家亂眼多豪士杯樽傾北
海徵君詩禮似西河霜來晚逕明黃菊雨後秋山洗
碧蘿歸棹忽忽無計住登艫一望一高歌

其九

敗裘羸馬獨棲棲猿鶴山中幾夜啼彈劍長安秦月
滿揚舲漢水楚霜淒身如老宿愁行脚心似疲兵恸

戰輦湖上西齋堪小隱也從門巷編蓬藜

其十

簷雨蕭蕭孤店曉江風颯颯亂帆寒灘頭送客雙橈
急蓬底留尊一席乾游子夢回烟水濶美人家住洞
天寬蘭亭曲水春來約慚愧秋光又向闌

仲綏讀書山寺有懷寄贈

山擁東南翠幾重花宮知在最高峰浮嵐不隔相思
夢明月應隨獨往蹤海底鯨吟鍾發響斗間龍氣劒
藏鋒讀罷陰符須一出雲霄有路會遭逢

得中州書用前韻

秋堂幾日共琴棋
雨散星分一夢悲
兩地音書魂斷處
四山冰雪歲殘時
揮毫曲水流風在
伏枕清漳起色遲
不奈浮雲遮遠日
空教明月照相思

乙酉元朝

匡牀睡起整衣冠
旭日曈曨壓蚤寒
萬里江山春自動
幾家杯酒俗相看
湘南驛使梅花盡
錦上離人鬢色殘
莫道中州風壤接
不堪愁望雪峰攢

苦寒用崆峒韻

臘破春生氣較嚴
經旬卻掃閉空簾
南中地暖身堪着
北上歌哀思轉添
歎峽驕風垂揭屋
漫山急雪欲

平簷毋論帳底羔兒美祇是茅柴已慣拈

島潭用疎翁韻題主人壁

五斗淵明拜督郵空留雲物鑱林丘三山福地通仙窟
十月寒天汎客舟庭戶便存瀛海想經營獨藉鬼神謀
主人豪氣曾相識却欠元龍百尺樓

三月七日風雪竟暮外兄仲綏吟契以書相邀
余物寒不能出漫錄此奉寄

峽雪紛紛晚未收春寒無奈敝貂裘
蘼蕪浙瀝西洲色鴻鴈差池朔漠愁
客裏茅茨淹節序燈前書札戀交游
臨溪欲問山陰路政值殘流不勝舟

謹呈松坡先生

先生秀句照乾坤歸臥林泉道更專一夢北辰鄉月
逼千年東海國風存燕中書肆多鐫卷洛下儒冠半
在門袖裏平生香一瓣願憑津筏問真源

憶中州羣從

浮雲西北是江關瓊樹盈盈夢裏攀月滿茅君仙後
洞天低迦葉定中山清尊對雨堪追憶彩筆迎春莫
放閑手把瑤華將有贈殢寒鴻鴈不成還

自中原傳李注書持國書

憶昨芹宮射策廻凌雲詞筆冠羣才名高北極鵬搏

去書落中原鴈帶來洛水歸時春意動長安別後歲
華催莫論劉李當年事欲學彈冠喜不裁

閑居率題

愚公谷口是吾廬抱拙明時愧散樗林月夜隨靈運
屐岫雲春擁少游車祗應野老容爭席未必侯門可
曳裾却笑花荒消不得擬開清沼種芙蓉

西行途中

磴路迢迢切太虛吾行及此一踟躇王陽底事頻經
險季子于今厭上書江水忽明山斷處草花新發野
燒餘沙洲白鷺雙雙下飲啄翛然我不如

溪上晚眺

步屨飄然去自由，谿頭風色暮颼颼。
諸峰隔霧渾如影，亂樹迎秋便似愁。
岸徑頻移沙漸漲，菴歌互答稻微收。
書生未省經時務，祇合婆娑此一丘。

寄題李進士命魯蟾巖草堂

次韻

知君曾築臥游堂，近說移居水竹傍。
老去生涯同沮溺，病來親友少裘羊。
家傳筆妙心應了，天忌詩名命見妨。
剛爲石蟾閑棄擲，故煩真宰餉元章。

謾成

獨夜悲歌激屋梁，歲寒愁思不禁長。
懷中已漫三年

刺袖裏空餘一瓣香敢擬微言追正始祇堪高臥夢
羲皇文場牛耳非吾事慙媿髯公枉見方

同疎隱次金慕齋和華使華祭會意詩韻

垂柳濃花接四鄰重門半掩少來人空齋晝永偏欹
枕小篆香殘半繞茵橫岫斷雲藏返照過江疎雨壓
纖塵平郊烟火連村遠徙倚長亭滿日春

餘月旣生魄庚子越八日丁未宵夢見一客踵
門蓋以文顯者也談次需敵箒中有賦山居一
章不詳爲誰而製也客指其中花字一聯爲類
余輒爲易之云云覺而識之其全則不記也聊

以足成彷彿夢中意耳

石門深處隱君家
烟蕙蒙龍一徑斜
禹穴千年藏竹簡
仙源三月落桃花
新栽鶴氅衣偏穩
舊服金丹鬢不華
絕境高人俱可念
謇余吟望欲脂車

過長郊

長郊西望四牛鳴
偶借南隣款段行
日映圓沙金瑣碎
雪埋孤嶽玉崢嶸
荒碑帶蘚微分字
小驛臨泉別占名
莫道此中還往少
野雲林鳥亦相迎

五言排律

寫意十韻

茅屋深山裏柴門小水邊看書消永日爲稼值荒年
地僻囂塵絕春深景物鮮尋花扶短策遣興綴長篇
朋友邀羊仲文章愛馬遷律身心惕若求道志寥然
客至賒村酒閑來理釣舡形骸應土木棲息卽林泉
行處松爲蓋眠時草作氍野情自蕭散從此謝拘攣
節屈重陽風霜淒凜支頤獨坐悄然無悰實有
搖落之感又多離索之憂聊次杜老之詩兼述
閑居之趣雖其言雜而無章亦足以自遣云
百韻
天地狂歌外江山嘯傲邊稱身唯短褐服藥可長年
句曲茅仙鶴山陰賀老船古人皆已耳吾道自悠然

慣識田家樂頻驚節物遷平生懷壯志幾歲閱陳篇
阮籍行多興元郎性惡圓酒中堪送日壺裏別藏天
托契心無逆耽閑地自偏荷鉏經草壠把釣度沙川
近市千人集虛齋一榻懸岫雲橫素帶階蘚綴青錢
在木寧非散爲魚耻乞憐種桃深洞壑結宇好林泉
榘葉詩題遍藜床膝着穿龍頭供遠矚驢背聳吟肩
水旱占年事春秋宴社員觀空尋淨理味道息塵緣
己得安心法從他笑腹便村連長樂樹窓挹小山煙
桑柘溪南北禾麻屋後前地高臨越郡臺古想于仙
海涸魚龍爛琴藏曲譜傳放歌懷曩昔濯足弄潺湲

蓴菜秋堪喫茶甌曉自煎寧同蝸蟄殼不願蟻趨膾
碧草看書帶青山禮梵筵植桐留着鳳除棘預防鷁
懶病誰能砭狂心未可悛棋盤排玉石筆陣豎矛鋌
佳客呼髯李高僧引瘦權逍遙成趣味蕭散謝拳孿
畦廢秋蔬亂田荒井稅蠲如鳩元是拙懸特實由畋
河上淪漪直隆中性命全土風猶太古黨塾誦文宣
琴子非狂狷韓康悅聖賢識高堪第一筆健獨當千
玄石羞人後洪厓聞道先風標殊舉舉霜翮乍翩翩
不怕貧無粟唯知直似絃林居精典籍霞想悟冥筌
奇士誰知者交歡卽久焉詞壇嚴律令僊界樂盤旋

暗室生虛白高文埒太玄宗生將破浪蘇李平無田
村迥山煙起天長漢水連平林秋色淨遙野霧光鮮
霧岳宜携杖龜潭可擊舷獨斟桑落酒誰寄浣花牋
悄悄離憂積悠悠遠夢牽孤吟常闋寂失侶自迴還
歲晏清霜重山空碧蕙捐寒砧催落葉疎柳俯清漣
采釣同盤谷圖書類穀漚睡來開北牖閑去步東阡
馬老能知道奴寒不忍鞭短松含勁直嫩竹擢嬋娟
矯矯冲雲鶴泠泠飲露蟬門無今雨客衣著去秋綿
詩進江淹筆寒侵謝朓毡漁磯收玉尺菊砌墮金鈿
切切虫依壁飛飛燕謝椽色籬分澗水山果落崖巔

興發新詩巧涼生舊病痊爲兒蒸赤栗喚婢煮紅蓮
圃藥三稜茁沙禽一足拳峽危纔度鳥溪淺不容鱣
養鴨松爲柵騎牛草作韉拓窓山寂寂發石水涓涓
幾泛林湖艇時遊孔廟壩攀巖穿木屐臨水脫行纏
棐几觀書穩蒲團枕手眠忘機心自愜希聖鑽彌堅
蓬蓽容吾懶文章許子妍掣溟鯨力壯控地鷄飛翾
偃臥非高蹈風波尚鎮旃密雲屯北郭虛宿動西躔
感興追潘岳清狂學鄭虔水應無意思土豈願陶甄
莫遣顰眉數何須決指駢十年磨鐵杵三度絕韋編
此外休尋索其中乃靜專已書張也帶實佩董之絃

日月流如水行藏淡若禪聖經言可服真誥妙堪詮
敢比少年賈深慚大手燕括囊從所好炙背祝無寒
間進青精飯長尋白玉延灌園聊抱甕逢麴謾流涎
作底歡佳節無因看杜鵑殘盃唯自勸孤帆未言旋
惡別同安石忘情羨偃佺剔燈山館靜約月夜帷寒
古簡中藏蠹天機上察鳶微言誰與析良晤此還衍
壤室驚離索緇帷阻誨鑄孤芳易衰歇蕪草尚綿芊
楚客方慘慄劉楨獨病孱書情謝知己此意試量銓

次秋會韻

自我來湖上忽然成七秋蓬蒿少人事韋布豈吾羞

不解營三窟真堪號四休杯尊容遣興文字任埋頭
水淨惟歌濯山深不賦囚剗心祛茅塞撥累視雲浮
棲托憐鳩拙樊籠笑鶴憂隨緣且釣濮無意願封留
雞柵秋編密鮭蔬兩剪柔移桑補林缺栽菊裹階稠
折簡延僧侶論琴接道流何心對俗物自在得天遊
松塢懷弘景筠軒憶子猷香醪愁掃帚破硯筆耕疇
投散雖微分爲農亦拙謀瓶空前歲畜詩索久要酬
泉石貪如餐簪紳避若讐蛙鳴鼓一部牛扣角雙抹
奇字煩相問神交不外求范幃殘墨頂阮嘯對青眸
蠟屐晴聯步藜筇日併投圍碁敗亦喜判袂近猶愁

異草嘗仙味妖花斥物尤圃瓜供飢餒谷鳥應歌謳
翠樾團傾蓋清泉冷擊球枯枿機已息穠稔稻方收
畎畝身拚老雲霞思獨幽清狂謝物役倏忽感年遒
儒雅看前輩疎翁實勝儔山情騎白鹿海思押霜鷗
酒次開懷曠詞壇着手優途窮四屋壁時至九州禰
洗耳同巢父傳疑辨帝丘春山行采秀雨閣閱漂蕖
席密仍函丈鍾鳴必待杓幽居隣鄭谷世態哂何樓
長夜歌何怨寒年服未周衡門常寂寂吾道信悠悠
大地莊生馬江湖范蠡舟回看身外事蠻觸一蝸牛

挽鄭司評奎祥二十韻

谷口今蕭瑟先生已返真徒然悲逝水不得問高旻
世德垂鍾篆儒門仰席珍才妨當世用意與古人親
一室空懸磬微官滯積薪蹉跎心不展妙絕藝無倫
體勢秦碑古規模晉帖神誰家藏拱壁幾處勒貞珉
大字懸金榜高名動玉宸隨緣傍魚鳥發興在松筠
藥餌閒中煉琴書病後塵淵明終下士玄晏未中
身威鳳丹青暮哀鴻白露晨乾坤真是客湖海遂無
人雨灑棋盤冷苔生筆架新泉臺無白日斧屋掩千
春結髮登門地傷心執紼辰秦銘猶揭壁楚些漫沾
巾戀德嗟何及拚歡跡已陳謝庭蘭玉在投分敢緇

磷

七言排律

燕居無聊佳節奄屈幽興條條詩情勃勃學意
雜題不煩起草至三十韻乃止

百疊蒼山十里郊幽居朝暮一簞瓢園收芋栗猶稱
富腹貯詩書不是枵峽屋半將麻骨蓋野人多掘菜
根咬叅天翠栢千年古滿地黃雲九月交且學老農
勤稼穡旋從鄰舍乞芭蕉山禽引侶分餘粒村媪呼
兒拾墮樵膏雉肥來鷹自勇黠猫逃去鼠還驕細抄
山實甜於蜜謾引藤絲韌似鞘物色盡輸雙蠟屐棲

遲猶有一枝巢身歲壺裏乾坤大歲暮原頭草木凋
白鴈初來霜拂拂黃花欲發雨蕭蕭千秋陳迹披青
簡一陣淒颼動碧苔虛壁蛛懸粘帶帽淺汀魚少冷
厨庖蓬窓夜夜松肪爨土銚朝朝櫓拙燒寒重茅齋
虫寂寂夢飛江國路迢迢祇同卜子驚離索可獨楊
雄愛酒看新藥有苗容易斲古方無效等閑拋從他
歲月悠悠過漸覺氛埃一一消處士門前看五柳仙
人洞裏憶三茅慵多兼笑雲歸疾寂甚翻憎鳥語囂
塵垢滿頭渾不櫛詩書遮眼慰無憀向陽眠愛藜床
暖盡日人無竹牖敲高樹風多翻暝鵲疎林秋晚黑

寒蛭僧歸霧岳諸天界客度沙川獨木橋百畝田園
元瘠確一村烟火自蕭條茱萸九日傳遺俗湖海三
年戀久要淺酌殘尊酬令節小窓孤燭坐清宵晨星
落落逢天末新月亭亭短樹梢杜曲布衣心轉拙灤
濱居士號稱聾閑情欲說無人會回首關山獨自謠

同金兄賦映山紅

呼韻

堂前芳樹吐氤氲麗似清都一朵雲用意寵光微雨
滋生情護惜小風薰叮嚀語鳥勤相戀輕薄遊蜂聖
得聞祇合吟哦留盡興不堪攀折贈離羣茅山洞裏
丹砂煉金谷樓邊蠟炬焚講處翻疑拋絳帳醉時渾

似倚紅裙移經滄海投身遠間映青林舉眼分細閱
稗官徵故事流觀花史考疑文鮑黃掩態終堪僕左
紫含羞不敢君漢使未曾窮日本安榴苜蓿謾紛紛

燕超齋遺稿卷之三





